

415

春秋輯傳

二

卷之四

欽定四庫全書

春秋輯傳卷九

襄公

元年春王正月公即位

穀梁傳繼正即位正也

杜氏曰於是公年四歲

仲孫蔑會晉欒黶宋華元衛甯殖曹人邠人滕人

薛人圍宋彭城

皆列於會

明 王樵 輯

左傳春圍宋彭城於是為宋討魚石故稱宋且不登

叛人也

登成也不與其專邑叛君故使彭城還繫宋

彭城降晉

不書賤畧之

晉

人以宋五大夫歸置諸瓠丘

晉地河東東垣縣東南有壺丘

齊人不

會彭城晉人以為討二月齊大子光為質於晉胡

傳楚已取彭城封魚石戍之三百乘矣則曷為繫之

宋楚不得取之宋魚石不得受之楚雖專其地君子

不登叛人所以正疆域固封守謹王度也杜氏曰

魯與謀於虛朶而書會者稟命霸主非匹敵故

夏晉韓厥帥師伐鄭仲孫蔑會齊崔杼曹人邾人杞人

次于鄆

厥公作屈
鄆公作合

按晉悼公既禽五大夫於是伐鄭以討其從楚納魚石之罪然不重勤諸侯使韓厥將偏師而東諸侯次于鄆以為之援楚兵不出則韓厥足以當鄭楚兵出則五國之師足以撓楚此皆放於義合於節制而不輕用也悼公獻子之賢著矣左氏謂韓厥苟偃帥諸侯之師伐鄭入其郛又謂自鄭以鄆之師侵楚並與

經不合 杜氏曰鄆鄭地在陳留襄邑縣東南書次

兵不加鄭次鄆以待晉師

秋楚公子壬夫帥師侵宋

救鄭而侵宋攻其所必救也左氏謂楚子辛救鄭侵

宋呂留

二邑屬彭城

盖即此也胡氏謂傳書子辛救鄭而

經削之似以壬夫子辛為二人

子辛壬夫字也

救鄭侵宋為

二事誤矣

九月辛酉天王崩

邾子來朝

冬衛侯使公孫剽來聘晉侯使荀瑩來聘

天王崩赴告已及而小國朝大國聘左氏皆曰禮也
此何禮乎杜預范甯謂赴未至然下無日未有以辨
其久近也

二年春王正月癸簡王

鄭師伐宋

左傳楚令也

夏五月庚寅夫人姜氏薨

六月庚辰鄭伯賁卒

賁古困反

左傳鄭成公疾子駟請息肩於晉

兵役無休以負擔喻冀從晉而得息

公曰楚君以鄭故親集矢於其目非異人任

楚子任此患不

為他人

寡人也若背之是棄力與言其誰暱我

言盟誓之言

免寡人唯二三子秋七月鄭伯賁卒

晉師宋師衛甯殖侵鄭

杜氏曰晉伐喪非禮宋雖非卿師重故叙衛上

秋七月仲孫蔑會晉荀罃宋華元衛孫林父曹人邾人于戚

左傳會于戚謀鄭故也孟獻子曰請城虎牢

舊鄭邑今屬晉

以偏鄭知武子曰善鄭之會吾子聞崔子之言今不

來矣

次于鄆時崔杼有不服晉之言獻子曾以告武子左氏有缺文

滕薛小邾之不

至皆齊故也寡君之憂不唯鄭瑩將復於寡君而請

於齊

以城事請齊以觀其志

得請

齊人如命

而告

告諸侯會築虎牢

吾子之

功也若不得請事將在齊吾子之請諸侯之福也豈

唯寡君賴之 大夫專會

己丑葬我小君齊姜

齊謚也左氏謂齊侯使諸姜宗婦來送葬婦人越疆
送葬異哉

叔孫豹如宋

左傳通嗣君也

冬仲孫蔑會晉荀瑩齊崔杼宋華元衛孫林父曹人邾
人滕人薛人小邾人于戚遂城虎牢

左傳冬復會于戚齊崔武子及滕薛小邾之大夫皆
會知武子之言故也遂城虎牢鄭人乃成按虎牢
故東虢之邑鄭滅虢為制邑巖險聞于天下楚鄭倚
之以抗中國故晉帥諸侯取而城之以扼其要害虎
牢城而鄭服鄭服而楚失其所以爭強於上國而諸
夏息肩故城虎牢天下之大計也為天下之計而城
之故不繫之鄭文自當然非聖人有意削之也彭城
為宋之叛臣所據諸侯圍彭城為宋也故可曰宋彭

城若虎牢方為伐鄭不服而城其巖邑以制之又豈
可曰城鄭虎牢耶況晉必以師取之而後城之則板
築興之曰虎牢固非復鄭虎牢矣諸儒不知此義故
或謂以霸主討不服之國地非鄭之所得私或謂鄭
叛華即夷辱天子之封守罪當削奪故不曰鄭虎牢
者削之於鄭也此皆非也

楚殺其大夫公子申

左傳楚公子申為右司馬多受小國之賂以偏于重

子辛楚人殺之故書曰楚殺其大夫公子申

二年春楚公子嬰齊帥師伐吳

吳楚交兵始見經

左傳楚子重伐吳克鳩兹

吳邑在丹陽蕪湖縣東

至於衡山

在吳

興烏程縣南

使鄧廖侵吳吳人要而擊之獲鄧廖子重歸

吳人伐楚取駕

公如晉

左傳始朝也

夏四月壬戌公及晉侯盟于長檣

檣勅居反

公至自晉

六月公會單子晉侯宋公衛侯鄭伯莒子邾子齊世子
光己未同盟于雞澤

左傳晉為鄭服故且欲修吳好將合諸侯使士匄告
于齊曰寡君使匄以歲之不易不虞之不戒寡君願

與一二兄弟相見以謀不協請君臨之使匄乞盟齊

侯欲勿許而難為不協

晉言願相見以謀不協而齊不許是齊為不協也

乃

盟于郕外

與士匄盟郕水名音而

六月公會單頃公及諸侯己

未同盟于雞澤

單頃公
王卿士

晉侯使荀會逆吳子于淮上

吳子不至 穀梁傳同者有同也同外楚也 杜氏

曰雞澤在廣平曲梁縣西南 按前年城虎牢鄭人

請成故今年合諸侯鄭列於會而同盟以堅服鄭也

堅服鄭以同外楚也單子與盟蓋自齊桓假王人為

重然首止葵丘會王人而不敢援與同盟世變日降

王人之同盟屢矣習俗既成雖以悼公之賢而不知

革也而其失亦難掩矣然是役也左氏謂非惟為鄭

服之故固將以會吳也夫中國之於外裔制御有常道非有藉於外裔之有釁而自相制也使吳有慕義親諸夏之心因其來而禮接之可也今乃因患楚而通吳吳未始先於上國而上國屈冠裳禮義之尊決內外藩籬之限勤諸侯而遠會之宿師停旅延望其來又使卿逆諸淮而吳竟不至則其為失又已甚焉嗟乎悼之誠與其才君子之所與也而未免乎前人之弊者以其求諸外者多而正其本事諸內者或淺

也本正不在威強而在德義事內則當先朝廷次華
夏而後外裔也此春秋書雞澤同盟之義也

陳侯使袁僑如會

僑其驕反

左傳楚子辛為令尹侵欲於小國陳成公使袁僑如
會求成晉侯使和組父告於諸侯杜氏曰陳侯疾
楚政而來屬晉本非召會而自來故言如會穀梁
傳如會外乎會也於會受命也

戊寅叔孫豹及諸侯之大夫及陳袁僑盟

諸侯在而大夫自為盟始